

欽定全唐詩

第一函
第五冊

新子知

PDG

全唐詩目

王維 四卷

苑咸

祖詠 一卷

王昌齡 四卷

崔亘

楊顏

陶翰 一卷

王綰

丘爲

李頎 三卷

常建 一卷

蔣維翰

王諲

劉長卿 五卷

裴迪

趙驊 共一卷

綦母潛 一卷

杜顗

萬楚

王岳靈

崔興宗

崔顥 一卷

儲光羲 四卷

李嶷

范朝

周萬 共一卷

全唐詩

王維

王維字摩詰河東人工書畫與弟縉俱有俊才開元九年進士擢第調太樂丞坐累為濟州司倉叅軍歷右拾遺監察御史左補闕庫部郎中拜吏部郎中天寶末為給事中安祿山陷兩都維為賊所得服藥陽瘖拘于菩提寺祿山宴凝碧池維潛賦詩悲悼聞于行在賊平陷賊官三等定罪特原之責授太子中允遷中庶子中書舍人復拜給事中轉尚書右丞維以詩名盛於開元天寶間寧薛諸王駙馬豪貴之門無不拂席迎之得宋之問輞川別墅山水絕勝與道友裴迪浮舟往來彈琴賦詩嘯詠終日篤於奉佛晚年長齋禪誦一日忽索筆作書數紙別弟縉及平生親故舍筆而卒贈祕書監寶應中代宗問縉朕常於諸王坐聞維樂章今存幾何縉集詩六卷文四卷表上之勅答云卿伯氏位列先朝名高希代抗行周雅長揖楚辭詩家者流時論歸美克成編錄歎息良深殷璠謂維詩詞秀調雅意新理愜在泉成珠著璧成繪蘇軾亦云維詩中有畫畫中有詩也今編詩四卷

酬諸公見過

時官未出在輞川莊

嗟予未喪哀此孤生屏居藍田薄地躬耕歲宴輸稅以奉粢盛晨往東臯草露未晞暮看煙火負擔來歸我聞有客足埽荆扉簞食伊何臨爪抓棗仰厠羣賢瞻然一老媿無莞簞班荆席藁汎汎登陂折彼荷花靜觀素鱗俯映白沙山鳥羣飛日隱輕霞登車上馬倏忽雲散雀噪荒村雞鳴空館還復幽獨重歎累歎

奉和聖製登降聖觀與宰臣等同望應制

鳳皇朝碧落龍圖耀金鏡維嶽降二臣戴天臨萬姓山川八校滿井邑三農竟比屋皆可封誰家不相慶林疎遠村出野曠寒山靜帝城雲裏深渭水天邊映佳氣含風景頌聲溢歌詠端拱能任賢彌彰聖君聖

奉和聖製御春明樓臨右相園亭賦樂賢詩應制

複道通長樂青門臨上路遙聞鳳吹喧閭識龍輿度褰旒明四目伏檻紆三顧小苑接侯家飛甍映宮樹商山原上碧澹水林端素銀漢下天章瓊筵承湛露將非富人寵信以平戎故從來簡帝心詎得迴天步

奉和聖製送不蒙都護兼鴻臚卿歸安西應制

上卿增命服都護揚歸旆雜虜盡朝周諸胡皆自郤鳴笳瀚海曲按節陽關外落日下河源寒山靜秋塞萬方
氛浸息六合乾坤大一作秦無戰是天心天心同覆載

扶南曲歌詞五首

通典云武德初因隋舊制奏九部樂四曰扶南唐書禮樂志云天寶樂曲皆以遠地名自河西至者有扶南樂舞

翠羽流蘇帳春眠曙不開羞從面色起嬌逐語聲來早向昭陽殿君王中使催

堂上青弦動堂前綺席陳齊歌盧女曲雙舞洛陽人傾國徒相看寧知心所親

香氣傳空滿妝華影箔通歌聞天仗外舞出御樓中一作廷日暮歸何處花間長樂宮

宮女還金屋將眠復畏明入春輕衣好半夜薄妝成拂曙朝前殿玉墀一作除多珮聲

朝日照綺窗佳人坐臨鏡散黛恨猶輕插釵嫌未正同心勿遽遊幸待春妝竟

隴西行

十里一走馬五里一揚鞭都護軍書至匈奴圍酒泉關山正飛雪烽火一作戍斷無煙

從軍行

吹角動行人喧喧行人起一作應悲馬嘶亂爭渡金河水日暮沙漠陲戰聲一作力戰煙塵裏盡繫名王頸歸來獻一作報

天子

早春行

紫梅發初遍黃鳥歌猶澁誰家折楊女弄春如不及愛水看妝坐羞人映花立香畏風吹散衣愁露濡濕玉閨
青門裏日落香車入游行益相思含啼向綵帷憶君長入夢歸晚更生疑不及紅簷燕雙棲綠草時

早朝

皎潔明星高蒼茫遠天曙槐霧暗一作影不開城鴉鳴稍去始聞高閣聲莫辨更衣處銀燭已成行金一作重門儼驍馭

獻始興公

時拜右拾遺

寧棲野樹林寧飲澗水一作中流不用坐梁肉崎嶇見王侯鄙哉匹夫節布褐將白頭任智誠則短守仁固其優側
聞大君子安問黨與讐所不賣公器動為蒼生謀賤子跪自陳可為帳下不感激有公議曲私非所求

贈從弟司庫員外綬

少年識事淺，強學干名利。徒聞躍馬年，苦無出人智。即事豈徒言，累官非不試。既寡遂性歡，恐招負時累。清冬見遠山，積雪凝蒼翠。浩然出東林，發我遺世意。惠連素清賞，夙語塵外事。欲緩攜手期，流年一何駛。

座上走筆贈薛璩慕容損

希世無高節，絕跡有卑棲。君徒視人文，吾固和天倪。緬然萬物始，及與羣物^{一作物}齊。分地依後稷，用天信^{一作奉}重黎。春風何豫人，令我思東溪。草色有佳意，花枝稍含萋。更待風景好，與君藉萋萋。

贈李頎

聞君餌丹砂，甚有好顏色。不知從今去幾時，生羽翼。王母翳華芝，望爾崑崙側。文螭從赤豹，萬里方一息。悲哉世上人，甘此羶腥食。

贈劉藍田^{一作盧象詩}

籬間^{一作中}犬迎吠，出屋候荆^{一作柴}扉。歲晏輪井稅，山村人夜歸。晚田始家食，餘布成我衣。詎肯無公事，煩君問是非。

贈房盧氏瑄

達人無不可，忘已愛蒼生。豈復少^{一作千}室弦歌在，兩楹浮人日。已歸但坐事農耕，桑榆鬱相望。邑里多鷄鳴，秋山一何淨。蒼翠臨寒城，視事兼偃卧。對書不簪纓，蕭條人吏疎。鳥雀下空庭，鄙夫心所尚。晚節異平生，將從海岳居。守靜解天刑，或可累安邑。茅茨君試營。

贈祖三詠^{濟州官舍作}

蟪蛄挂虛牖，蟋蟀鳴前除。歲晏涼風至，君子復何如。高館聞無人，離居不可道。閑門寂已閉，落日照秋草。雖有近音信，千里阻河關。中復客汝潁，去年歸舊山。結交二十載，不得一日展。貧病子旣深，契濶余不淺。仲秋雖未歸，暮秋以爲期。良會詎幾日，終日^{一作自}長相思。

春夜竹亭贈錢少府歸藍田

夜靜羣動息，時聞隔林犬。却憶山中時，人家澗西遠。羨君明發去，采蕨輕軒冕。

戲贈張五弟諲三首^{時在常樂東園走筆成}

吾弟東山時，心尚一何遠。日高猶自卧，鐘動始能飯。領上髮未梳，牀頭書不卷。清川興悠悠，空林對偃蹇。青苔

石上淨細草松下軟窗外鳥聲閑階前虎心善徒然萬象多澹爾太虛緬一知與物平自顧為人淺對君忽自得浮念不煩遣

張弟五車書讀書仍隱居染翰過草聖賦詩輕子虛閉門二室下隱居十年餘宛是野人野一作時從漁父漁

秋風自

一作蕭索

五柳高且疎望此去人世渡水向吾廬歲晏同攜手只應君與予

設置守篋免垂釣伺遊鱗此是安口腹非關慕隱淪吾生好清淨一作靜蔬食去情塵今子方豪蕩思為鼎食人我家南山下動息自遺身入鳥不相亂見獸皆相親雲霞成伴侶虛白侍衣巾何事須夫子邀予谷口真

胡居士卧病遺米因贈

了觀四大因根性何所有妄計苟不生是身孰休咎色聲何謂客陰界復誰守徒言蓮花目豈惡楊枝肘既飽香積飯不醉聲聞酒有無斷常見生滅幻夢受即病即實相趨空定狂走無有一法真無有一法垢居士素通達隨宜善抖擻牀上無羶臥鍋中有粥否齋時不乞食定應空漱口聊持數斗米且救浮生取

贈裴十迪

風景日夕佳與君賦新詩澹然望遠空如意方支頤春風動百草蘭蕙生我籬曖曖日暖閨田家來致詞欣欣春還臯淡淡水生陂桃李雖未開蕙華滿芳一作其枝請君理還策敢告將農時

與胡居士皆病寄此詩兼示學人二首

一興微塵念橫有朝露身如是觀一作即陰界何方置我人礙有固為主趣空寧捨寶洗心詎懸解悟道正迷津因愛果生病從貪始覺貧色聲非彼妄浮幻即吾真四達竟何遺萬殊安可塵胡生但高枕寂寞與誰鄰戰勝不謀食理齊甘負薪子若未始異詎論疎與親

浮空徒漫漫汎有定悠悠無乘及乘者所謂智人舟詎捨貧病域不疲生死流無煩君喻馬任以我為牛植福祠迦葉求仁笑孔丘何津不鼓櫂何路不摧輶念此聞思者胡為多阻修空虛花聚散煩惱樹稀稠滅相一作想成無記生心坐有求降吳復歸蜀不到莫相尤

奉寄韋太守陟

荒城自蕭索萬里山河空天高秋日迥嘹唳聞歸鴻寒塘映衰草高館落疎桐臨此歲方宴顧景詠悲翁故人

不可見寂寞平陵東

林園即事寄舍弟純次荆州時作

寓目一蕭散銷憂冀俄頃青草蕭澄陂一作波白雲移翠嶺後沔一作浦通河渭前山包鄠郢松舍風裏聲花對池中影
地多齊后瘠一作瘠人帶荆州瘦徒思赤筆書詎有丹砂井心悲常欲絕髮亂不能整青簞日何長閑門畫方靜頽
思茅簷下彌傷好風景

至滑州隔河望黎陽憶丁三寓

隔河見桑柘鵲鵲黎陽川望望行漸遠孤峰沒雲煙故人不可見河水復悠然賴有政聲遠時聞行路傳

秋夜獨坐懷內弟崔興宗

夜靜羣動息蟋蟀聲悠悠庭槐北風響日夕方高秋思子整羽翰及時當雲浮吾生將白首歲晏思滄州高足
在旦暮肯為南畝儔

和使君五郎西樓望遠思歸

高樓望所思目極情未畢枕上見千里窗中窺萬室悠悠長路人曖曖遠郊日惆悵極浦外迢遞孤煙出能賦
屬上才思歸同下秩故鄉不可見雲水一作外空如一

酬黎居士浙川作一作星野上人院未筆成

儂家真箇去公定隨儂否着處是蓮花無心變楊柳松龕藏藥裹石脣安茶臼氣味當共知那能不攜手

送魏郡李太守赴任

與君伯氏一作兄別又欲與君離君行無幾日當復隔山陂蒼茫秦川盡日落桃林塞獨樹臨關門黃河向天外前
經洛陽陌宛洛故人稀故人離別盡淇上轉驂駢企予悲送遠惆悵睢陽路古木官渡平秋城鄴宮一作都故想君
行縣日其出從如雲遙思魏公子復憶李將軍

送陸員外

郎署有伊人居然古人風天子顧河北詔書除一作錄征東拜手辭上官緩步出南宮九河平原外七國薊門中陰
風悲枯桑古塞多飛蓬萬里不見虜蕭條胡地空無為費中國更欲邀奇功遲遲前相送握手嗟異同行當封

侯歸肯訪商山翁

送宇文太守赴宣城

寥落雲外山迢遞舟中賞鏡吹發西江秋空多清響地迴古城蕪月明寒潮廣時賽敬亭神復解罟師網何處

寄相思南風吹一作搖五兩

送綦母秘一作校書棄官還江東

明時久不達棄置與君同天命無怨色人生有素風念君拂衣去四海將安窮秋天萬里淨日暮澄一作九江空清夜何悠悠扣舷明月中和光魚鳥際澹爾兼葭葭叢無庸客昭世衰鬢日一作白如蓬頑疎暗人事僻陋遠天聰微物縱可采其誰爲至公余亦從此去歸耕爲老農

奉送六舅歸陸渾

伯舅吏淮泗卓魯方喟然悠哉自不競退耕東臯田條桑臘月下種杏春風前酌醴賦歸去共知陶令賢

送別

下馬飲君酒問君何所之君言不得意歸卧南山陲但去莫復問白雲無盡時

送張五歸山

送君盡惆悵復送何人歸幾日同攜手一朝先拂衣東山有茅屋幸爲埽荆扉當亦謝官去豈令心事違

齊州送祖三一作河上送趙仙舟又作淇上別趙仙舟

相逢方一笑相送還成泣祖帳已一作帳忽傷離荒城復愁入天寒遠山淨日暮長河急解纜君已遇望君猶一作空佇立

送綦雲苗太守

手疏謝明主腰章爲長吏方從會稽郡一作郡更發汝南騎按節下松陽清江響鏡吹露冕見三吳方知百城貴

送從弟蕃遊淮南

讀書復騎射帶劍遊淮陰淮陰少年輩千里遠相尋高義難自隱明時寧陸沈島夷九州外泉館三山深席帆聊問罪丹服盡成擒歸來見天子拜爵賜黃金忽思鱸魚膾復有滄洲心天寒蒹葭渚日落雲夢林江城下楓葉淮上聞秋砧送歸青門外車馬去駸駸惆悵新豐樹空餘天際禽

送高適

一作道非

弟耽歸臨淮作

坐上一作

少年客淮泗落魄居下邳邀遊向燕趙結客過臨淄山東諸侯國迎送紛交馳自爾厭游俠閉戶方垂帷深明戴家禮頗學毛公詩備知經濟道高臥陶唐時聖主詔天下賢人不得遺公吏奉纁組安車去茅茨君王蒼龍闕九門十二達羣公朝謁罷冠劍下丹墀野鶴終踉蹌威鳳徒參差或問理人術但致還山詞天書降北闕賜帛歸東菑都門謝親故行路日逶遲一作送孤帆萬里外森漫將何之江天海陵郡雲日淮南一作陰祠杳冥滄洲上蕩漾無人知緯蕭或賣藥出處安能期

送綦母潛落第還鄉

一作送別

聖代無隱者英靈盡來歸遂令東山客不得顧采薇既至君一作金門遠孰云吾道非江淮度寒食京洛一作北逢春衣置酒臨長道一作長亭同心與我違行當浮桂櫂未幾拂荆扉遠樹帶行客孤村一作城當落暉吾謀適不用勿謂知音稀

送張舍人佐江州同薛璩十韻

走筆成

東帶趨承明守官唯謁者清晨聽銀蚪薄暮辭金馬受辭未嘗易當是一作御方知寡清範何風流高文有風雅忽佐江上州當自潯陽下逆旅到三湘長途應百舍香爐遠峰出石鏡澄湖瀉董奉杏成林陶潛菊盈把范蠡常好之廬山我心也送君思遠道欲以數行灑

送韋大夫東京畱守

人外遺世慮空端結遐心曾是巢許淺始知堯舜深蒼生詎有物黃屋如喬林上德撫神運中和穆宸襟雲雷康屯難江海遂一作逐飛沈天工寄人英龍衮瞻君臨名器苟不假保釐固其任素質貫方領清景照華簪慷慨念王室從容獻官箴雲旗蔽三川畫角發龍吟晨揚天漢聲夕卷大河陰窮人一作久業已寧逆虜遺之擒然後解金組拂衣東山岑給事黃門省秋光正沈沈壯心與身退老病隨年侵君子從相訪重玄其可尋

資聖寺送甘二

浮生信如寄薄宦夫何有來往本無歸別離方此一作正受柳色藹春餘槐陰清夏首不覺御溝上銜悲執柅酒畱別山中溫古上人兄并示舍弟緡

解薛登天朝去師偶時一作哲豈惟山中入兼負松土月宿昔同遊止致身雲霞末開軒臨潁陽臥視飛鳥没好依盤石飯屢對瀑泉渴理齊小狎一作狎隱道勝寧外物舍弟官崇高宗兄此一作此削髮荆扉但灑掃乘閑當過歇一作拂

觀別者

青青楊柳陌陌上別離人愛子遊燕趙高堂有老親不行無可養行去百憂新切切委兄弟依依向四鄰都門帳飲畢從此謝親賓揮涕逐前侶含悽動征輪車徒望不見時見起行塵吾一作余亦辭家久一作者看之淚滿巾

別弟縉後登青龍寺望藍田山

陌上新離別蒼茫四郊晦登高不見君故山復雲外遠樹蔽行人長天隱秋塞心悲宦遊子何處飛征蓋

別綦母潛

端笏明光宮一作殿歷稔朝雲陛詔刊延閣書高議平津邸適意偶輕人一作輕虛心一作遇人削繁禮盛得江左風彌工建

安體高張多絕弦截河有清濟嚴冬爽羣木伊洛方清泚渭水冰下流潼關雪中啓一作開荷篠幾時還塵纓待君

洗

晦日遊大理韋卿城南別業四聲依次用各六韻

與世澹無事自然江海人側聞塵外遊解驂一作升輒朱輪平一作極野照暄景上天垂春雲張組竟北阜汎舟過東鄰

故鄉信高會牢醴及佳辰一作宋臣幸同擊壤樂心荷堯為君

郊居杜陵下永日同攜手仁一作入里霽川陽平原見峰首園廬鳴春鳩林薄嬌新柳上卿始登席故老前為壽臨

當遊一作送南陂約略執杯酒歸歟一作繼微官惆悵心自咎

冬中餘雪在墟上春流駛風日暢懷抱山川多秀一作好氣彫胡先晨炊一作豐酌庖膾亦雲一作後至高情浪海嶽浮生寄天

地君子外簪纓埃塵良不啻所樂衡門中陶然忘其貴

高館臨澄陂曠然蕩一作望理心目淡蕩動雲天玲瓏映墟曲鵲巢結空林雉雊響幽谷應接無閑暇徘徊以一作似躑躅

紆組上春堤側弁倚喬木弦望忽已晦後期洲應綠

冬日遊覽

步出城東門試騁千里日青山橫蒼林赤日圍平陸渭北走邯鄲關東出函谷秦地萬方會來朝九州牧雞鳴

咸陽中一作冠蓋相追逐丞相過列侯羣公錢光祿相如方一作老病獨歸茂陵宿

華嶽

西嶽出浮雲積雪一作在太清連天疑一作黛色百里遥青冥白日為之一作寒森沈華陰城昔聞乾坤開造一作化生

巨靈右足踏方止一作左手推削成天地忽開拆大河注東溟遂為西峙嶽一作雄鎮秦京大君包覆載至德被

羣生上帝佇昭告金天思奉迎一作祇望幸久何獨禪云亭

同盧拾遺過章一作給事東山別業二十韻給事首春休沐維已陪遊及乎是行亦預聞命會無車馬不

果斯諾

託身侍雲陞昧旦一作趨華軒遂陪鵷鴻侶霄漢同飛翻君子垂惠顧期我於田園側聞景龍際親降南面尊萬

乘駐山外順風祈一言高陽多夔龍荆山積璣璫盛德啓前烈大賢鍾後昆侍郎文昌宮給事東掖垣謁帝俱

來下冠蓋盈丘樊聞風首邦族庭訓延鄉村采地包山河樹井竟川原巖端回綺檻谷口開朱門階下羣峰首

雲中瀑水源鳴玉滿春山列筵先朝噉會舞何颯沓擊鐘彌朝昏是時陽和節清晝猶未暄鵲樹色深嚶嚶

鳥聲餘韻已負宿諾延頸慙芳蓀寒步守窮巷高駕難攀援素是獨往客脫冠情彌敦

藍田山石門精舍

英華以前八句另為一首
注云唐本二詩共為一首

落日山水好漾舟信歸風探奇一作不覺遠因以緣一作源窮遙愛雲木秀一作初疑一作路不同安一作知清流轉偶與

前山通捨舟理輕策果然愜所適老僧四五人逍遙蔭松柏朝梵林未一作曙夜禪山一作更寂道心及一作牧童世

事問樵客暝宿長林一作井下焚香臥瑤席澗芳襲人衣山月映石壁再尋畏迷誤明發更登歷笑謝桃源人花紅

復來覲

青谿

一作過青谿水作

言入黃花川每逐清谿水隨山將萬轉趣途無百里聲喧亂石中色靜深松裏漾一作漾汎菱荇澄澄映葭葦我

心素已閑清川一作澹如此請畱盤石上垂釣將已矣

崔濮陽兄季重前山興

山西去亦對維門

秋色有佳興況君池上閑悠悠西林下自識門前山千里橫黛色數峰出雲間嗟峨對秦國合沓藏荆關殘雨

斜日照夕嵐飛鳥還故人今尚爾歎息此頽頽

李^{一作石}處士山居

君子盈天階小人甘自免方隨鍊金客林上家絕巘背嶺花未開入雲樹深淺清晝猶自眠山鳥時一嘖

丁寓田家有贈

英華作田家贈丁寓注云集作丁寓誤也

君心尚棲隱久欲傍歸路在朝每爲言解印果成趣晨雞鳴鄰里羣動從所務農夫行餉田閨妾^{一作婦}起縫素開軒御衣服散帙理章句時吟招隱詩或製閑居賦新晴望郊郭日暎^{一作映}桑榆暮陰晝^{一作晝}小苑城微明渭川樹揆予宅間井幽賞何由屢道存終不忘迹異難相遇此時惜離別再來芳菲度

渭川^{一作水}田家

斜陽^{一作光}照墟落窮巷牛羊歸野老念牧童^{一作僮僕}倚杖候荆扉雉鳴麥苗秀蠶眠桑葉稀田夫荷鋤至^{一作立}相見語依依即此羨閑逸悵然吟式微

春中田園作

屋上春鳩鳴村邊杏花白持斧伐遠揚荷鋤覘泉脈歸^{一作新}燕識故^{一作舊}巢舊^{一作故}人看新曆臨觴忽不御惆悵遠行^{一作客}

過李揖宅

閑門秋草色終日無車馬客來深巷中犬吠寒林下散髮時未簪道書行尚把與我同心人樂道安貧者一罷宜城酌還歸洛陽社

韋侍郎山居

幸忝君子顧遂陪塵外蹤閑花滿巖谷瀑水映杉松啼鳥忽臨澗歸雲時抱峰良遊盛簪紱繼跡多夔龍詎枉青門道胡^{一作故}聞長樂鐘清晨去朝謁車^{一作鞍}馬何從容

飯覆釜山僧

晚知清淨理日與人羣疎將候遠山僧先期埽弊廬果從雲峰裏顧我蓬蒿居藉草飯松屑焚香看道書然燈晝欲盡鳴磬夜方初一悟寂爲樂此日^{一作生}閑有餘思歸何必深身世猶空虛

謁璿上人 并序

上人外人內天不定不亂捨法而淵泊無心而雲動色空無礙不物物也默語無際不言言也故吾徒得神交焉玄關大啓德海羣泳時雨旣降春物具美序於詩者人百其言

少年不足言識道年已長事往安可悔餘生幸能養誓從斷臂一作筆血不復嬰世網浮名寄纓珮空性無羈鞅夙承一作從大導師焚香此瞻仰頽然居一室覆載紛萬象高柳早鶯啼長廊春雨響牀下阮家屐窗前筇竹杖方將

見身雲陋彼示天壤一心在法要願以無生獎

瓜園詩 并序

維瓜園高齋俯視南山形勝二三時輩同賦是詩兼命詞英數公同用園字爲韻韻任多少時太子司議郎薛璩發此題遂同諸公云

余適欲鋤瓜倚鋤聽叩門鳴騶導驄馬常從夾朱軒窮巷正傳呼故人儻相存攜手追涼風放心望乾坤藹藹帝王州宮觀一何繇林端出綺道殿頂搖華幡素懷在青山若值白雲屯回風城西雨返景原上村前酌盈尊酒往往聞清言黃鸝轉深木朱槿照中園猶羨松下客石上聞清猿

自大散以往深林密竹磴道盤曲四五十里至黃牛嶺見黃花川

危徑幾萬轉數里將三休回環見徒侶隱映隔林丘颯颯松上雨潺潺石中流靜言深谿裏長嘯高山頭望見南山陽白露靄悠悠青臯麗已淨綠樹鬱如浮曾是厭裳密曠然銷人憂

新晴野望 一作望

新晴原野曠極目無氛垢郭門臨渡頭村樹連谿口白水明田外碧峰出山後農月無閑人傾家事南畝

宿鄭州

朝與周人辭暮投鄭人宿他鄉絕儔侶孤客親僮僕宛洛望不見秋霖晦平陸田父草際歸村童雨中牧主人東臯上時稼遶茅屋蟲思一作機杼悲休一作雀喧禾黍熟明當渡京水昨晚一作夜猶金谷此去欲何言窮邊徇微祿

早入榮陽界

汎舟入榮澤茲邑乃雄藩河曲閭閻隘川中煙火繇因人見風俗入境聞方言秋野一作晚田疇盛朝光市井喧漁

商波上客雞犬岸旁村前路白雲外孤帆安可論

渡河到清河作

汎舟大河裏積水窮天涯天波忽開拆郡邑千萬家行復見城市宛然有桑麻回瞻舊鄉國淼漫連雲霞

苦熱

赤日滿天地火雲成山嶽草木盡焦卷川澤皆竭涸輕紉覺衣重密樹苦陰薄莞簟不可近絺綌再三濯思出宇宙外曠然在寥廓長風萬里來江海蕩煩濁却顧身為患始知心未覺忽入甘露門宛然清涼樂

納涼

喬木萬餘株清流貫其中前臨大川口豁達來長風連漪涵白沙素鮪如遊空偃臥盤石上翻濤沃微躬漱流復濯足前對釣魚翁貪餌凡幾許徒思蓮葉東

西施詠

豔色天下重西施寧一作久微朝仍越溪女暮一作吳宮妃賤日豈殊衆貴來方悟稀邀人傳香粉不自一作時浣紗伴莫得同車歸持謝鄰家子一作效顰安可希

李陵詠

漢家李將軍三代將門子結髮有奇策少年成壯士長驅塞上兒深入單于壘旌旗列相向簫鼓悲何已日暮沙漠陲戰聲煙塵裏將令驕虜滅豈獨名王侍既失大軍援遂嬰宮廬恥少小蒙漢恩何堪坐思此深衷欲有

報投軀未能死引領望子卿非君誰相理

濟上四賢詠

崔錄事

解印歸田里賢哉此丈夫少年曾任俠晚節更為儒迹跡一作世東山下因家滄海隅已聞能狎鳥余欲共垂桴

成文學

寶劍千金裝登君白玉堂身為平原客家有邯鄲娼使氣公卿坐論心一作遊俠場中年不得意謝病客遊梁

鄭霍二山人

一作寄崔鄭二山人

翩翩一作京華子多出一作事金張門幸有先人業一作思早一作達明主恩童一作同年且未一作未學肉食驚華軒豈乏一作如中林士
無人薦至尊鄭公一作生老泉石霍子安丘樊賣藥不二價著書盈一作仍萬言息陰無惡木飲水必清源吾一作余賤不及
議斯人竟誰論

過太乙觀買生房

昔余棲遯日之子煙霞鄰共攜松葉酒俱簪竹皮巾攀林遍巖洞采藥無冬春謬以道門子徵為驂御臣常恐
丹液就先我紫陽賓天促萬塗盡哀傷百慮新跡峻不容俗才多反累真泣對雙泉水還山無主人

燕子龕禪師一本有 詩字

山中燕子龕路劇羊腸惡裂地競盤屈插天多峭崿瀑泉吼而噴怪石看欲落伯禹訪未知五丁愁不鑿上人
無生緣生長居紫閣六時自拈磬一飲常帶索種田燒白雲所漆響丹壑行隨拾栗猿歸對巢松鶴時許山神
請偶逢洞仙博救世多慈悲即心無行作周商倦積阻蜀物多淹泊巖腹乍旁穿澗脣時外拓橋因倒樹架欄
值垂藤縛鳥道悉已平龍宮為之涸跳波誰揭厲絕壁免捫摸山木日陰陰結跏歸舊林一向石門裏任君春
草深

羽林騎閨人

秋月臨高城城中管弦思離人堂上愁稚子堦前戲出門復暝戶望望青絲騎行人過欲盡狂夫終不至左右
寂無言相看共垂淚

偶然作六首

楚國有狂夫茫然無心想散髮不冠帶行歌南陌上孔丘與之言仁義莫能獎未嘗肯問天何事須擊壤復笑
采薇人胡為乃長往

田舍有老翁垂白衡門裏有時農事閑斗酒呼鄰里喧聒茅簷下或坐或復起短褐不為薄園葵固足美動則
長子孫不曾向城市五帝與三王古來稱天一作君子干戈將揖讓畢竟何者是得意苟為樂野田安足鄙且當放

一作懷
忘去行行沒餘齒

日夕見太行沈吟未能去問君何以然世網嬰我故小妹日成長兄弟未有娶家貧祿既薄儲蓄非有素幾回

欲奮飛跼蹐復相顧孫登長嘯臺松竹有遺處相去詎幾許故人在中路愛染日已薄禪寂日已固忽乎吾將行寧俟歲云暮

陶潛任天真其性頗耽酒自從棄官來家貧不能有九月九日時菊花空滿手中心竊自思儻有人送否白衣攜壺觴果來遺老叟且喜得斟酌安問升與斗奮衣野田中今日嗟無負一作有兀傲迷東西蓑笠不能守傾倒強行行酣歌歸五柳生事不曾問肯媿家中婦一作帝

趙女彈箜篌復能邯鄲舞夫婿輕薄兒鬪雞事齊主黃金買歌笑用錢不復數許史相經過高門盈四牡客舍有儒生昂藏出鄒魯讀書三十年腰間一作下無尺組被服聖人教一生自窮苦

老來懶賦詩惟有老相隨宿世一作當代謬詞客前身應畫師維善畫破墨山水不能捨餘習偶被世人知名字本皆是此心還

不知唐人萬首絕句取中四句為絕句題曰題輞川圖

寓言二首

次首律題入使少類題曰雜詩作虛象詩

朱紱誰家子無乃金張孫驪駒從白馬出入銅龍門問爾何功德多承明主恩鬪雞平樂館射雉上林園曲陌車騎盛高堂珠翠繡奈何軒冕貴不與布衣言

君家御溝上垂柳夾朱門列鼎會中貴鳴珂朝至尊生死在八議窮達由一言須識苦寒士莫矜孤白溫

冬夜書懷

冬宵寒且永夜漏宮中發草白霽絲霜木衰澄清月麗服映頽頽朱燈照華髮漢家方尚少顧影慙朝謁

送康太守

城下滄江水江邊黃鶴樓朱闌將粉堞江水暎悠悠鏡吹發夏口使君居上頭郭門隱楓岸候吏趨蘆洲何異

臨川郡還勞一作來

康樂侯

送權二

高人不可有

一作友清論復何深一見如舊識一言知道心明時當薄宦解辭去中林芳草空隱處白雲餘故岑韓

侯久攜手河嶽共幽尋悵別千餘里臨堂鳴素琴

休假還舊業便使一作盧象詩

謝病始告歸依依入桑梓家人皆竚立相候衙門裏時輩皆長年成人舊童子上堂嘉慶畢顧與姻親齒論舊
忽餘悲目存且相喜田園轉蕪沒但有寒泉水衰柳日蕭條秋光清邑里入門乍如客休騎非便止中飲顧王
程離憂從此始

歎白髮

我年一何長鬢髮日已白俛仰天地間能為幾時客惆悵故山雲徘徊空日夕何事與時人東城復南陌

別弟妹二首

一作盧象詩

兩妹日成長雙鬢將及人已能持寶瑟自解掩羅巾念昔別時小未知疎與親今來始離恨拭淚方殷勤
小弟更孩幼歸來不相識同居雖漸慣見人猶未覓宛作越人語殊甘水鄉食別此最為難淚盡有餘憶

哭殷遥

人生能幾何畢竟歸無形念君等為死萬事傷人情慈母未及葬一女纔十齡決滄一作訣寒郊外蕭條聞哭聲浮
雲為蒼茫飛鳥不能鳴行人何寂寞白日一作日色自淒清憶昔君在時問我學無生勸君苦不早令君無所成故人
各有贈又不及生平一作平生負爾非一途慟哭返柴荆

故南陽夫人樊氏挽歌

石窞恩榮重金吾車騎盛將朝每贈言入室還相敬疊鼓秋城動懸旌寒日暎不言長不歸環珮猶將聽

夷門歌

七雄一作國雄雌猶未分攻城殺將何紛紛秦兵益圍邯鄲急魏王不救平原君公子為嬴停駟馬執轡愈恭意愈
下亥為屠肆鼓刀人嬴乃夷門抱關者非但慷慨獻良一作奇謀意氣兼將身命酬向風剌頸一作頸送公子七十老翁
何所求

隴頭吟

樂府詩集收此於漢橫吹曲注云隴頭水

長安一作城少年遊俠客夜上戍樓看太白隴頭明月迴臨關隴上行人夜吹笛關西老將不勝愁駐馬聽之雙淚
流身經大小百餘戰麾下偏裨萬戶侯蘇武纔為典屬國節旄落盡一作空盡海西一作南頭

老將行

一作空盡一作零落

海西一作南頭